



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1312 Usque Ad Annum 1351

Fleury, Claude

August. Vind. [u.a.], 1767

VD18 9011826X

§. 57. Antipapa versatur Pisis.

[urn:nbn:de:hbz:466:1-66305](https://nbn-resolving.org/urn:nbn:de:hbz:466:1-66305)

Sæcul. XIV. A. C. 1328. mana, donec in cultu veri Dei plane confirmati fuerint, in colligendis decimis magnam humanitatem ac indulgentiam adhibere, ut ne sentirent se nimio pressos onere, quin etiam reliquos ad fontem salutis accerferent. Dabat 8 Maji.

§. LVII.

Antipapa versatur Pisis.

Imperator Ludovicus Bavarus continenter Pisis agens 12 Decembris ibi promulgandam curabat sententiam contra Papam Joannem Romæ datam eodem anno octava decima Aprilis die, qua ei dignitatem adimere se perhibebat. Hac in sententia contendit tres sanctiones, *Ad conditorem, Cum inter nonnullos, & Quia quorundam, esse hæreticas, impugnatque fusissime argumentis & auctoritatibus toties prolatis per Spirituales, ut se vocabant, Fratres, ita, ut liquido constet eam sententiam esse opus Michaëlis Cæsenatis, vel alius cujusdam ex illis: atque ridiculum est sic loquentem fingi Imperatorem non litterarum sed belli studiis assuetum, qualem ipse se dicit. Dissertationem illam fastidium creantem ita concludit: Jacobum Cadurcensem, quod sparserit hos contra fidem*

Sup. §. 37. Baluz. 2. vit. p. 523.

p. 543.

dem errores, ac pertinaciter defenderit, **Sæcul. XIV.**
 reputandum esse hæreticum manifestum, **A. C. 1329.**
 & dignitate omni, ac potestate sacra
 exutum declaramus: tum repetitur sen-
 tentia abdicationis, & inhibitio, nequis
 illi obtemperet, aut eum agnoscat Pa-
 pam. En promulgata Romæ! quibus
 sententia Pisana solum addit præceptum,
 universi ut Præfules, Optimates, Admi-
 nistrisque Imperii cunctis in locis suæ ju-
 risdictioni obnoxii ipsam edici curent
 demique Jacobo Cadurcensi omnem oc-
 casionem decipiendi populos ignaros
 rei.

P. 545.

Modico post tempore, nimirum 3 Ja- **J. Vill. l. 10.**
 nuarii anno 1329 Antipapa Petrus Cor- **c. 116.**
 barius delatus Pisas veluti Papa inter sex
 Cardinales suos urbem intravit. Ludo-
 vicus Bavarus cum suis & Pisanis per-
 honorifice illum excipiebat: Clerus ac
 Religiosi instructo ordine procedebant
 obviam: sequebantur Imperator & lai-
 ci magno numero pedibus alii, alii e-
 quis. Verum spectatores ajebant hanc
 ceremoniam eos invitos facere sibi vide-
 ri: probique ac prudentes Pifarum in-
 colæ vehementer turbati censebant pra-
 ve facere illos, qui rei indignissimæ o-
 peram navarent suam. Octavo ejus-
 dem mensis Antipapa concionem ha-
 bens

Y 3

bens

Sæcul. XIV.
A. C. 1329.

bens poenarum culparumque veniam dedit omnibus, qui Papæ Joanni nuncium remitterent, ac sententiam in hunc ab ipso latam comprobarent, dummodo intra octo dies sacra confessione perpurarent animos.

c. 119.

Rayn. 1329.

Vill. c. 123.

Imperatore Ludovico, & Actio Pro-Comite Mediolani Domino rogantibus Antipapa 29 Jan. Cardinalem decrevit Joannem Pro-Comitem Matthæi filium, Actii fratrem; & in Lombardiam misit tanquam Legatum suum. Sed Papa 15 Martii Cardinali Bertrando Pojeto suo ibidem Legato scripsit, ut Joannem Pro-Comitem, ac Luchinum ejus fratrem publice denunciaret piorum coetu motos tanquam schismaticos hæreticosque. Antipapa assidue Pisis hærens, atque in Archiepiscopi palatio cum suis habitans 18 Febr. conventum celebrabat, cui intererant Imperator, omnes ejus Proceres, & pars virorum urbis principum. Ibi post orationem edidit anathematis sententiam contra Papam Joannem, Regem Robertum, Florentinos, & partes eorum. Sed hunc confessum adeuntibus supervenit turbo, imber, & tanta grando, quanta nunquam alias Pisis fuerat. Et cum plerique Pisani crederent se perperam acturos,

acturos, si huic sermoni adessent, procel-
 la fecit, ut pauci eo venirent. Itaque
 Imperator armatos equites peditesque
 cum Duce per urbem misit, qui cives il-
 luc compellerent. Nec tamen numero-
 sus hanc per violentiam conventus erat.
 Dux, cum tetram inter tempestatem
 plateas obequitaret, frigore correptus,
 vespere intravit balneolas vini per i-
 gnem vaporati stillatiquē: quod fortui-
 to concepta flamma exussit virum cæ-
 teroquin sanum. Res miraculo Pisanis
 erat, in omen accepta pestiferum Impe-
 ratori & Antipapæ.

Sæcul. XIV.
 A. C. 1329.

Hic etiam novos fecit Episcopos, &
 Senogalliæ quidem Thomam, Auximi
 vero Conradum Augustinianos, & Fir-
 mii Vitalem Ordinis Minorum. Lega-
 tum in Corsicam, aliumque in Græ-
 ciam misit; ob quem Papa scripsit Con-
 stantinopolitano Patriarchæ Latino, &
 Archiepiscopis Patrensi, Thebano, Corin-
 thio, & Atheniensi. In epistola inquit:
 Ut audivimus, Petrus Corbarius, qui se
 nominat Nicolaum V Papam, in Roma-
 niæ partes, ubi catholica viget religio,
 vult mittere falsos Episcopos suæ factio-
 nis socios, ut ad schisma suum attrahat
 Christianos, ac redditus ecclesiasticos oc-
 cupet. Quocirca, si vestris in dioecesi-
 bus

Rayn. 1329.
 n. 2.
 Ughell. to. I.
 p. 784.
 Rayn. n. 3.

Sæcul. XIV. **A.C. 1329.** bus inveneritis homines a memorato Petro aut hujus nomine missos, qui hæresim per nostras sæctiones damnatam disseminent, eos a vobis capi, & valida sub custodia, si commode fieri possit, ad nos mitti volumus. Dabat 7 Maji anno 1329.

J. Vill. l. 10. **c. 130.** Imperator tertio Idus Apriles Pisis in Lombardiam abiit gaudentibus admodum Pisanis, quibus odiosissimum se reddiderat per intolerabiles exactiones suas.

Bern. Guid. **to. 1. Baluz.** **p. 143. & not.** **p. 170.** Urbis Præfectum reliquit Tarlatum Aretinum: qui ejus dominium sibi vindicare conspirantibus Pisanis cupiens coepit de pace agere cum Ecclesiæ partibus & Florentinis. Dimissus a Pisanis Petrus Corbarius Antipapa fidei publicæ testes litteras, ut Imperatorem in Lombardiam sequeretur, à Tarlato petit; sed frustra. Tum uni de primariis Pifarum civibus, Comiti Bonifacio Novellio Doneratico se clam commisit: a quo de nocte in castellum ipsius Burgarium triginta quinque millia passuum Pisis remotum missus est cum quodam ex falsis Cardinalibus suis. Is erat Paulus

Vading. **1328. n. 10.** Viterbiensis Frater Minor, qui postea in Germaniam se recepit. Tres menses Antipapa latuit in illo castro. At cum Florentini suas copias hunc tractum versus

fus duxissent, Comes Bonifacius, ne illum abstrahere cogitarent, veritus quam potuit, secretissime reductum Pisas, & in ædibus suis abditum servabat usque ad Augustum sequentis anni.

Sæcul. XIV.

A. C. 1329.

§. LVIII.

Michaël Cæsenas condemnatur.

Unus ex præcipuis Antipapæ adiutoribus Michaël Cæsenas comitabatur Imperatorem: quicum tandem Germaniam petiit, se nunquam non gerens pro Ministro Fratrum Minorum Generali. Idcirco Papa die Coenæ dominicæ 20 Aprilis anno 1329 edidit litteras, in quibus ei exprobrat, quod Ludovico Bavaro & Antipapæ addictus calamo & ore impugnaverit sanctiones pontificias, præsertim illam, cui esset initium: *Cum inter nonnullos.* Quibus de causis eum condemnat ut hæresiarcham & schismaticum, omnique officio, honore, ac dignitate exutum declarat.

Rayn. n. 21.

Paulo post Michaël ministerium generale Ordinis amisit in comitiis Lutetiæ die Pentecostes habitis, quæ anno prior indixerat Cardinalis Bertrandus Pojetus per Papam designatus Ordinis

Y 5

Pro-